



Հանրապետական մանկավարժահոգեբանական կենտրոն

«Հանրակրթական դպրոցների ուսուցիչների և ուսուցչի օգնականների  
դասավանդման հատուկությունների զարգացման ապահովում» ծրագիր

## ՀԵՏԱԶՈՏԱԿԱՆ ԱՇԽԱՏԱՆՔ

Դպրոց՝ Նոր ուղու միջնակարգ դպրոց

Թեմա՝ ԴԱՐՁՎԱԾՔՆԵՐԻ ՈՒՍՈՒՑՈՒՄԸ ՏԱՐԲԱԿԱՆ ԴԱՍԱՐԱՆՆԵՐՈՒՄ

Վերապատրաստող, մենթոր՝ Զարոյան Մարինե

Ուսուցիչ՝ Հակոբյան Արմինե

Արարատ 2023

# ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ -----	3
Գլուխ 1.	
ԴԱՐՁՎԱԾՔՆԵՐԻ ՈՒՍՈՒՑՈՒՄԸ ՏԱՐՐԱԿԱՆ ԴԱՍԱՐԱՆՆԵՐՈՒՄ	
1.1. ԴԱՐՁՎԱԾՔՆԵՐԻ ԸՆԴՀԱՆՈՒՐ ԴԻՏԱՐԿՈՒՄ -----	6
1.2. . ԿԱՐԴԱՑԱԾ ՍՏԵՂԾԱԳՈՐԾՈՒԹՅԱՆ ՇՈՒՐՁ ԻՐԱԿԱՆԱՑՎՈՂ ԱՇԽԱՏԱՆՔԻ ՄԵԹՈԴԱԿԱՆ ԲԱՂԱԴՐԻՉՆԵՐԸ-----	8
1.3. ԿԱՐԴԱԼՈՒ ՈՐԱԿԱԿԱՆ ՀԱՏԿԱՆԻՇՆԵՐՆ ՈՒ ՏԵՍԱԿՆԵՐԸ ՏԱՐՐԱԿԱՆ ԴԱՍԱՐԱՆՆԵՐՈՒՄ -----	22
Գլուխ 2.	
ԴԱՐՁՎԱԾՔՆԵՐ ՈՒՍՈՒՄՆԱՍԻՐՄԱՆ ԵՎ ՈՒՍՈՒՑՄԱՆ ԳՈՐԾԸՆԹԱՑԻ ԱՌԱՆՁՆԱՀԱՏԿՈՒԹՅՈՒՆՆԵՐԸ ՏԱՐՐԱԿԱՆ ԴԱՍԱՐԱՆՆԵՐՈՒՄ	
2.1. ԴԱՐՁՎԱԾՔՆԵՐԻ ՏԵՂԸ ՏԱՐՐԱԿԱՆ ԴԱՍԱՐԱՆՆԵՐԻ ՄԱՅՐԵՆԻԻ ԴԱՍԱԳՐՔԵՐՈՒՄ -----	16
2.2. ԴԱՐՁՎԱԾՔՆԵՐԻ ՈՒՍՈՒՄՆԱՍԻՐՄԱՆ ԳՈՐԾԸՆԹԱՑԻ ՎԵՐԱԲԵՐՅԱԼ ՈՒՍՈՒՑԻՉՆԵՐԻ ԿԱՐԾԻՔՆԵՐԻ ԲԱՑԱՀԱՅՏՈՒՄ ԵՎ ՔՆՆԱՐԿՈՒՄ -----	17
2.3. ԴԱՐՁՎԱԾՔՆԵՐԻ ՈՒՍՈՒՄՆԱՍԻՐՈՒԹՅԱՆ ԳՈՐԾԸՆԹԱՑՈՒՄ ԿԻՐԱՌՎՈՂ ՎԱՐԺՈՒԹՅՈՒՆՆԵՐԻ ՀԱՄԱԿԱՐԳԸ -----	18
ԵԶՐԱԿԱՑՈՒԹՅՈՒՆ -----	29
ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ-----	31
ՀԱՎԵԼՎԱԾ-----	32

## ՆԵՐԱԾՈՒԹՅՈՒՆ

Անառարկելի է, որ լեզվաոճական արտահայտությունների գործածումը թե՛ բանավոր, թե՛ գրավոր խոսքում ավելի պատկերավոր ու հարուստ են դարձնում մեր ասելիքը: Գեղեցիկ և պատկերավոր խոսք կառուցելու համար անհրաժեշտ է տիրապետել լեզվական նորմերին, բառապաշարին, խոսքարվեստին և լեզվաոճական արտահայտությունների ճիշտ և դիպուկ կիրառելուն:

Լեզվաոճական արտահայտություններն աշակերտներն ուսումնասիրում են միջին և ավագ դպրոցում, սակայն տարրական դասարանի <<Մայրենիի>> դասագրքերում զետեղված բնագրերում բազմաթիվ պատկերավորման միջոցներ են գործածված: Դրանք սովորաբար ներկայանում են դարձվածքների, մակդիրների, համեմատությունների, փոխաբերությունների, փոխանունությունների, չափազանցությունների և պատկերավորման այլ միջոցների տեսքով: Վերը նշվածներն ուսում-նասիրում է լեզվաբանության <<Ոճաբանություն >> կոչվող բաժինը:

Լեզվաբանության այն ճյուղը, որը զբաղվում է խոսքի և ոճի ուսումնասիրությամբ, կոչվում է ոճաբանություն: Ոճը մտքերն արտահայտելու համար ընտրվող լեզվական միջոցների ու եղանակների տարբերությունն է: Ոճաբանությունը կամ ոճագիտությունն ունի իր ուսումնասիրության խնդիրները, նպատակները, ելակետն ու որոշակի սահմանները<sup>1</sup>: Ոճագիտության ուսումնասիրության ոլորտը կամ նրա սահմանները համեմատաբար ավելի տարողունակ են, քանի որ այն ուսումնասիրում է ն՛ հնչյունը, ն՛ բառն ու բառակապակցությունը, ն՛ նախադասությունը, ն՛ խոսքի դրսևորման տարբեր ձևերն ու եղանակները: Ոճագիտության ուսումնասիրության առարկան նաև բառն է: Այստեղ բառը դիտվում է ոչ միայն իր քերականական և անվանողական հատկանիշներով, այլև իբրև պատկերավորման և արտահայտչական միջոց: Մենք բառը գործածում ենք գեղարվեստական պատկեր ստեղծելու, մեր խոսքին հուզաարտահայտչական երանգ հաղորդելու նպատակով:

Ոճագիտությունն իբրև լեզվագիտության ինքնուրույն ճյուղ, մեր երկրի բուհերում

---

<sup>1</sup>Տե՛ս Լ. Եզեկյան, Հայոց լեզվի ոճագիտություն, Երևան, 2014, էջ 5-7:

դասավանդվել է 20-րդ դարի 50-ական թվականներից: Այս գործում իր մեծագույն ավանդն է ներդրել վաստակաշատ ակադեմիկոս Գուրգեն Սևակը: Այնուհետև լույս տեսան բազմաթիվ ոճագիտության ձեռնարկներ:

Մեր **հետազոտական աշխատանքի** հիմնախնդիրը վերաբերում է դարձվածքների ուսումնասիրմանը:

Տարրական դպրոցում լեզվաարտահայտչամիջոցների ուսումնասիրմանը մեծ տեղ տրված չէ, սակայն աշակերտների խոսքի գեղարվեստական արժեքի բարձրացումը կրթության այս օղակում կարևորվում է: Մեր ուսումնասիրությունների ընթացքում բացահայտել ենք, որ մայրենիի դասերին այս հիմնախնդիրը չի ուսումնասիրվում ըստ անհրաժեշտ մակարդակի:

Այսպիսով, մեր հետազոտական աշխատանքի հիմնախնդրի **արդիականությունը** պայմանավորված է կրտսեր դպրոցականների բանավոր և մշակել դրանց յուրացման արդյունավետությանը նպաստող դիդակտիկ խաղեր և թեստային առաջադրանքներ գրավոր խոսքի գեղարվեստական մակարդակի բարձրացման ծրագրային պահանջով:

Մեր ուսումնասիրության **նպատակն** է ներկայացնել տարրական դպրոցում ուսումնասիրվող լեզվաարտահայտչամիջոցները և ներկայացնել մայրենիի դասերի ընթացքում դրանց յուրացման հնարավոր ուղիներ:

Մեր նպատակին հասնելու համար մեր առջև դրել ենք **հետևյալ խնդիրները**.

1. Ուսումնասիրել մեր հետազոտական աշխատանքի հիմնախնդրի վերաբերյալ առկա մասնագիտական գրականություն և դիտարկել քննարկվող սկզբունքային մոտեցումները:

2. Դիտարկել տարրական դպրոցի մայրենիի ծրագրերն ու դասագրքերը հետազոտական աշխատանքի հիմնախնդրի տեսանկյունից:

3. Վերլուծել մայրենիի դասերի ընթացքում իրականացվող լեզվաարտահայտչամիջոցների ուսումնասիրման գործընթացի դրվածքը և ծագած խնդիրները:

4. Ուսումնասիրել ավարտական աշխատանքի հիմնախնդրի վերաբերյալ ուսուցիչների կարծիքները և վերլուծել արդյունքները:

5.Ներկայացնել մեթոդական ցուցումները գործընթացի կազմակերպման խնդիրների վերաբերյալ:

Հետազոտական աշխատանքի հիմնախնդրի **նորույթը**.

Մշակել ենք տարրական դպրոցում դարձվածքների ուսումնասիրման գործընթացի մեթոդական առանձնահատկությունները :

Ուսումնասիրության ընթացքում կիրառել ենք հետևյալ **մեթոդները**.

- մասնագիտական գրականության ուսումնասիրում,արդյունքների դիտարկում,
- փորձնական դասերի վարում,արդյունքների վերլուծություն,
- կրթական փաստաթղթերի ուսումնասիրում հետազոտական աշխատանքի հիմնախնդրի տեսանկյունից :

Ուսումնասիրության **տեսական** և **գործնական** նշանակությունը.

**Գործնական նշանակությունը:**

Մեր մշակած մեթոդական ցուցումները կարող են ՀՀ տարրական դպրոցի ուսուցիչները:

## **ԳԼՈՒԽ 1.**

### **ԴԱՐՁՎԱԾՔՆԵՐԻ ՈՒՍՈՒՑՈՒՄԸ ՏԱՐՐԱԿԱՆ ԴԱՍԱՐԱՆՆԵՐՈՒՄ**

#### **1.1 Դարձվածքների ընդհանուր դիտարկում**

Դարձվածաբանությունը լեզվաբանության երիտասարդ բաժիններից է, թեև դարձվածք տերմինը գոյություն է ունեցել ավելի վաղ ժամանակներում: Որպես դարձվածքի սահմանում կարող ենք տալ հետևյալ բնորոշումը:

Դարձվածքը բառերի կայուն, պատրաստի վերարտադրելի, վերախմաստավորված կապակցություն է, ուր բաղադրիչ բառերի ինքնությունը ձևական է, շարահյուսական կապը՝ մթազնաձ<sup>3</sup>: Դարձվածքների սահմանումը տալիս է նաև Գ.Ջահուկյանը.

Միասնական իմաստով կապված և նույնությամբ վերարտադրվող կայուն բառակապակցություններն ու նախադասությունները կոչվում են դարձվածքներ<sup>4</sup>:

Ինչպես տեսանք՝ երկու սահմանումներն էլ փաստում են այն մասին, որ դարձվածքները, թեև երկու կամ ավել բառերի կապակցություն են, սակայն հանդես են գալիս մեկ ընդհանուր իմաստով, ունեն մեկ բառի արժեք: Դարձվածքներ են համարվում որևէ լեզվին բնորոշ և բառացիորեն չթարգմանվող յուրահատուկ արտահայտությունները կամ իդիոմները (գլուխ հանել, գլուխ դնել, սիրտ տալ և այլն), ժողովրդական առածներն ու ասացվածքները: Դարձվածքները ժողովրդախոսակցական խոսքին ու ոճին բնորոշ բառային միավորներ են, որոնք հատուկ են յուրաքանչյուր ազգին: Սրանք բնորոշում և ցույց են տալիս յուրաքանչյուր ազգի ազգային մտածողությունը, լեզվամտածողությունը, լեզվականմիջոցների կիրառման հմտությունները: Դարձվածքներով արտահայտվում են տվյալ ժողովրդի բարքերն ու սովորույթը, նիստ ու կացը, խառնվածքը, կենցաղը գաղափարները փիլիսոփայությունը և այլն: Դարձվածքները հաղորդում են լեզվին պատկերավորություն, հուզականություն:

---

<sup>3</sup>Տե՛ս Պ. Բեդիրյան, Ժամանակակից հայերենի դարձվածաբանություն, Երևան, 1973թ., էջ 78-92:

<sup>4</sup>Տե՛ս Գ. Ջահուկյան, Ոճաբանություն, Երևան, 1994թ., էջ 178-191:

Միևնույն ժամանակ խոսքը դարձնում են ավելի սեղմ, հակիրճ և նպատակային: Սրանք պատրաստի միավորներ են, միասնական իմաստ ունեցող կայուն բառային անբաժանելի, պատրաստի բառակապակցություններ: Բայց մենք չենք կարող ասել, որ ցանկացած բառակապակցություն կարող է հանդիսանալ որպես դարձվածք, այստեղ կարևոր չէ բաղադրիչների և նրանց միասին հանդես գալը:

Դարձվածքների համար գլխավոր նախապայման է, որ այդ անբաժանելի բառակապակցություններն ունենան փոխաբերական-այլաբանական իմաստ: Կարևոր է նաև

բաղադրիչների շարահյուսական կապը, իմաստային միաձուլումը: Դարձվածաբանական միավորների մեջ բաղադրիչ բառերը կորցնում են իրենց իմաստը, այն իմաստը, որն ընդունված է հանրության կողմից, սակայն այստեղ նրանք ձեռք են բերում նոր իմաստ, կամ կարող ենք ասել վերաիմաստավորվում են, ինչպես՝ աչքով տալ, աչքից ընկնել, գլուխը կորցնել: Դարձվածքային միասնությունները պատկերավոր արտահայտություններ են, որով էլ տարբերվում են մյուս կապակցություններից: Վերջիններիս կիրառությունը առավել շատ է գեղարվեստական խոսքում ինչու չէ նաև խոսակցական բառապաշարում: Բնորոշ են ժողովրդախոսակցական լեզվին, ինչն էլ ավելի արդիական, հասկանալի, կիրառելի և գործածվող է դարձնում դարձվածքը:

Հայ գրականության մեջ՝ լինի դա գեղարվեստական գրականություն, թե պատմական սեղծագործություն, հաճախակի ենք հանդիպում դարձվածքների, որոնք նպաստում են ավելի ակնառու դարձնել կերպարներին, նկարագրվող իրավիճակը, շրջապատը, երևույթները և այլն:

Դարձվածքների գործածումը կարող են արտահայտել խոսողի հեգնական, երգիծական, հիացական և զարմացական վերաբերմունք որևէ երևույթի կամ կերպարի նկատմամբ:

Դարձվածքները ունեն նաև սաստկական երանգավորում, որոնք հանդես են գալիս կայուն բառակապակցություններում: Նման դարձվածքներում բաղադրիչ բառերը հանդես են գալիս որպես հականիշ բառեր, ինչպես՝ ծուռը նստել, շիտակ խոսել :

## **1.2. . ԿԱՐԴԱՑԱԾ ՍՏԵՂԾԱԳՈՐԾՈՒԹՅԱՆ ՇՈՒՐՋ ԻՐԱԿԱՆԱՑՎՈՂ ԱՇԽԱՏԱՆՔԻ ՄԵԹՈՂԱԿԱՆ ԲԱՂԱԴՐԻՉՆԵՐԸ**

Կրթական համակարգի անցումը 12-ամյա ուսուցման որոշակի խնդիրներ առաջադրեց ուսուցման բովանդակության, նպատակների և համագործակցային մեթոդների գործադրման հարցերում: Տարրական դասարաններում կիրառվում է մայրենիի ուսուցման համակցված մեթոդը, որը կառուցվում է ընթերցանության և դրա հիման վրա ուսուցանվող լեզվական գիտելիքների համադրմամբ: Սա հնարավորություն է տալիս լեզվական նյութն ուսումնասիրել գործնական ճանապարհով՝ բնագրի շուրջ աշխատանք կատարելով:

Կրթության արդիականացման հայեցակարգն ունի սոցիալական, մանկավարժական և տեխնոլոգիական տեսանկյուններ: Սոցիալական տեսանկյունն արտահայտված է կրթության որակի բարձրացման ոլորտում՝ որպես պետական, համազգային, քաղաքական խնդիր, որի լուծումը պետք է ապահովի երկրի զարգացումը: Մանկավարժական տեխնոլոգիան ուսուցման արվեստ է, որը տեխնոլոգիական ժամանակակից կրթության որակի էական ցուցանիշն է: Անցումը ժամանակակից կրթության համարվում է անցում դեպի կրթության անհատական կողմնորոշիչ տիպին, որը կրթական տեխնոլոգիայի առավել բարձր մակարդակ է: Անհատական կողմնորոշիչ կրթությունը մարդասիրական տեխնոլոգիայի տեսակ է, որը նախատեսում է աշխատանք մարդու գիտակցության և նրա անհատական զարգացման գործընթացների հետ<sup>5</sup>: Այն ինքնակազմակերպչական մանկավարժական գործընթաց է, այսինքն այնպիսի կրթություն, որը <<կառուցվում>> է երեխայի կյանքում և ոչ թե տեղակայվում նրա գիտակցության մեջ: Դաստիարակության տեխնոլոգիան հիմնվում է երեխայի կյանքի փորձի վրա և ներգրավում նրան կենսագործունեության մեջ, ստեղծում մանկական մի աշխարհ, ազատ ընտրությունների և պրակտիկ գործունեության, ինքնազարգացման մի դաշտ:

Այսպիսով, անհատական-կողմնորոշիչ կրթությունը գիտական մանկավարժական տեխնոլոգիա է, որն իրականացնում է մարդու և նրա անհատական զարգացման

5 <<Մայրենի 2-4>>, Ուսուցչի ձեռնարկ, Կ. Թորոսյան, Վ. Սարգսյան, Հ. Խաչատրյան, Եր. Ջանգալ, 97, 2007, էջ 5:

փիլիսոփայական, հոգեբանական, մանկավարժական գործընթացները: Դա բաց, ինքնազարգացնող տեխնոլոգիա է՝ հիմնված ժամանակակից գիտական մոտեցումների վրա: Դրա առանձնահատկություններն արտահայտվում են հետևյալ կերպ.

- 
- մարդը (երեխան) դիտարկվում է որպես կարևորագույն արժեք և կրթության նպատակ,
  - այն աջակցում և զարգացնում է երեխայի սուբյեկտիվ հատկանիշներն ու անհատականությունը (անհատականացված մոտեցում),
  - սովորողներին ներքաշում է մշակույթի աշխարհ (մշակութաբանական մոտեցում),
  - արթնացնում է անհատի ստեղծագործական ներուժը (գործնական մոտեցում),
  - խթանում է սովորողներին՝ անձնական խնդիրները ինքնուրույն լուծելու անորոշ իրադրությունների ժամանակ<sup>6</sup>:



Տարրական կրթության հիմնական նպատակներից մեկը երեխաների երևակայության զարգացումն է: Այդ առումով ևս 2-4-րդ դասարանների մայրենիի դասագրքերում կան բազմաթիվ բնագրեր, որոնց ուսումնասիրման նպատակներից մեկը հենց երևակայության զարգացումն է: Գրքի յուրաքանչյուր էջ գրավիչ է, հոգեհարազատ է երեխային: Յուրաքանչյուր բնագիր նկարագարոված է, մեթոդական կառույցը հազեցած է բազմաբնույթ առաջադրանքներով, որոնք նպաստում են երեխաների մտավոր, հուզական, կամային, գեղագիտական գործունեության կարողությունների զարգացմանը: Հաշվի են առնվել կրտսեր դպրոցականի տարիքային առանձնահատկություններն ու հետաքրքրությունները: Բնականաբար, ամեն ինչ ուղղված է սովորողների ստեղծագործական երևակայության ու մտածողության, կարդալու կարողությունների, խոսքի զարգացման, ինքնուրույն, ինքնավստահ, հոգեպես և մարմնապես առողջ անձի ձևավորմանը:

---

6 Մայրենի 2-4, ՈՒսուցչի ձեռնարկ/Կ.Թորոսյան, Վ.Սարգսյան, Հ.Խաչատրյան, Եր., 2007, էջ 5:

<< **Դարձվածքների ուսումնասիրումը տարրական դասարաններում** >> վերնագրով մեր հետազոտական աշխատանքը, անհնար էր իրականացնել առանց դասագրքերի և դրանց կցված մեթոդական գրականության ու ձեռնարկների: Նշված ձեռնարկները բավականին օգնում են ուսուցչին արդյունավետ կազմակերպելու և իրականացնելու մայրենիի դասերը: Տարրական ուսուցման նպատակը կրտսեր դպրոցականի մեջ հետաքրքրություն արթնացնելն է, որը ձգտում է շուտ տեղեկանալ դեպքերի ընթացքին և վերջաբանին: Տարրական ուսուցման հիմնավոր նպատակներից է նաև ձևավորել երեխաների մոտ որոշակի կարողություններ և հմտություններ՝ հիմնվելով ձեռք բերված գիտելիքի վրա: Ինչպես ընդունված է ասել տարրական դպրոցում ուսուցիչի խնդիրն է սովորել սովորեցնելը:

Կրտսեր դպրոցականը ոչ միայն պետք է տիրապետի տարրական ուսումնական գործունեություն ծավալելու կարողություններին (կարրդալ, գրել, խոսել, լսել), այլև մտածական գործառնությունների (վերլուծություն, ընդհանրացում, վերացարկում, որոշակիացում)<sup>7</sup>:

Դասագրքերում ընդգրկված են գեղարվեստական և ճանաչողական բնույթի այնպիսի ստեղծագործություններ, որոնք առավելագույնս հնարավորություն կտան իրականացնելու

դասի հիմնական նպատակները՝ կարդալու կարողության ձևավորում, լեզվի ուսուցում, սովորողների համակողմանի դաստիարակություն: Յուրաքանչյուր թեմատիկ խմբում ընդգրկված են այնպիսի նյութեր (պատմվածքներ, բանաստեղծություններ, հեքիաթներ, առակներ, ճանաչողական և ուսուցողական մանրապատումներ, խնդուկներ, առածներ, հանելուկներ և սուտասելուկներ), որոնք համապատասխանում են կրտսեր դպրոցականների աշխարհընկալմանը, ճանաչողական հետաքրքրություններին և մտավոր կարողությանը: Դպրոցական ծրագրերի ոչ մի առարկա այնքան հարցեր չի առաջացնում, որքան մայրենին. <<Ի՞նչ դասավանդել>>, <<Ի՞նչ ծավալով>>, <<Ի՞նչ նպատակներ դնել ուսուցչի և աշակերտի առջև>>,

---

7<<Մայրենի 2-4>>: Ուսուցչի ձեռնարկ, Կ. Թորոսյան և ուրիշներ, Մակմիլան- Արմենիա, 2007, էջ 3:

<<Ինչպե՞ս հասնել դասավանդման արդյունավետության>> , <<Ինչպե՞ս գրագետ դարձնել երեխային, որ նա կարողանա ճիշտ արտահայտել իր մտքերը թե՛ բանավոր, թե՛ գրավոր>> և այլն<sup>8</sup>: Այս կարողությունների զարգացման համար անհրաժեշտ է շատ կարդալ լրացուցիչ գրականություն:

Ինչպես գիտենք ուսումնական գործընթացի հիմնական բաղկացուցիչ մասը դասն է: Շատ կարևոր է գիտակցել, որ ուսուցումը ուսուցչի և աշակերտի համատեղ գործունեություն է՝ հիմնված համագործակցության և փոխըմբռնման սկզբունքներին: Յուրաքանչյուր դաս պետք է ունենա մի հիշարժան պահ, որը երկարատև կմնա աշակերտի հիշողության մեջ: Դա կարող է լինել զարմանք, հիացմունք, ոգևորություն, հետքարքիռ փաստ անակնկալ բացահայտում, գեղեցիկ փորձ, ծանոթ երևույթի վերաբերյալ ոչ ստանդարտ մոտեցում և այլն<sup>9</sup>:

Մեր հետազոտական աշխատանքի թեմայի հետ կապված, մեզ համար առավել կարևոր է դասերի ընթացքում բնագրի շուրջ կատարված աշխատանքը: Տեքստի բովանդակության ընկալումը միանգամից չի կարող զուգակցվել կարդալու հմտության ձեռքբերման հետ: Ուսուցման առաջին տարում նյութի բովանդակության ընկալումը հետ է մնում ընթերցման հմտությունից: Առաջին դասարանում աշակերտների կողմից տեքստը ընկալվում է ոչ միանման մակարդակով: Աշակերտների մի մասը ընկալում է միայն սյուժեն, որոշները կարող են ընդհանրացումներ կատարել, իսկ որոշները կարողանում են հասկանալ գաղափարը և ընկալել ենթատեքստը: Բնագրի գաղափարի և ենթատեքստի բացահայտման

նպատակով ուսուցիչը պետք է սովորեցնի աշակերտներին, թե ինչպես գտնեն իմաստակիր բառերը, արտահայտությունները և նախադասությունները: Բառերն ու բառակապակցությունները գեղարվեստական տեքստում կարող են գործածվել փոխաբերական իմաստով: Ուսուցչի խնդիրն է աշակերտների ուշադրությունը սևեռել նորածանոթ բառերի վրա:

---

8<<Մայրենի 2-4>>:Ուսուցչի ձեռնարկ,Կ.Թորոսյան և ուրիշներ, Եր. 2007,Մակմիլան-Արմենիա , էջ 23:

9<<Ինչպես պլանավորել մայրենիի դասը 4>>, Կ.Թորոսյան և ուրիշներ,Եր. 2018թ.,Զանգակ,էջ 6:

Ընթերցանության դասաժամերի երեխաները պետք է սովորեն լիակատար ընկալել գրական տեքստը: Պետք է կարողանան երևակայության միջոցով ներթափանցել հեղինակի պատկերած ստեղծագործության մեջ,ապրել այն որպես իրողություն, ապրումակցել հերոսներին, համեմատել իրենց կյանքի և զգացմունքների հետ, հասկանալ հեղինակի գաղափարները և կռահել ենթատեքստը:

Մայրենիի ծրագրային պահանջներից են.

1. Կարդալու հմտություններ: Վերլուծելու կարողության զարգացում:
- 2.Կարդացածի ընկալում, աշխատանք տեքստի վրա: Կարդացածի հիմնական մտքի առանձնացում:
- 3.Գրական տարրական գիտելիքներ: Ստեղծագործական կարողությունների խթանում:
- 4.Առարկայական ինտեգրում: Խոսքն օգտագործել իբրև մտածողության ակտիվացման միջոց:
- 5.Լեզվական տարրական գիտելիքներ: Բառերի, բառակապակցությունների և դարձվածքների գործառական կարողությունների զարգացում: Դարձվածային իմաստով գործածված բառակապակցությունների ճանաչում տեքստում<sup>10</sup>:


Ինչպես տեսանք, լեզվական նյութին վերաբերող պահանջները, հատկապես լեզվաարտահայտչամիջոցներին վերաբերող, առանձին շեշտված են որպես պահանջվող գիտելիք: Սակայն դասագրքում տեղ գտած վարժությունները սակավաթիվ են դարձվածքների ուսուցման և ամրապնդման համար:

Թեմատիկ պլանավորումներում նույնպես, մի շարք դասանյութերին կից, ներկայացված է հետևյալ պահանջները՝ գտնել բառերի ուղիղ և փոխաբերական իմաստները, ամրակայել կամ

խորացնել գիտելիքը դարձվածքների մասին, կատարել վարժությունը վերը նշված թեմայի վերաբերյալ:

10 Գյուլամիրյան Ջ., Մայրենիի ուսուցման մեթոդիկա, Ե., Զանգակ, 2018, էջ 111:

### 1.3 Կարդալու որակական հատկանիշները



**Գիտակցորեն և հասկանալով կարդալ** նշանակում է կարդացածը հասկանալ, ճշտությամբ վերարտադրել՝ պահպանելով ստեղծագործության մեջ ներկայացված մտքերի, դեպքերի հաջորդականությունը, տրամաբանական և պատճառահետևանքային կապերը: Կարդալու այս որակական հատկանիշի բացակայության դեպքում ուղղակի կկարդան՝ առանց ոչինչ հասկանալու: Մինչդեռ կարդացողը՝ ով էլ որ լինի, որ տարիքում էլ լինի, պետք է հասկանա, գիտակցի իր կարդացածը, հասկանա բառերը, նախադասությունները, միտք: Հասկանա

պարբերությունները, որանց միջև եղած բովանդակային և տամաբանական կապը: Եվ ամենագլխավորը՝ կռահի ենթատեքստն ու գաղափարը:

Մեր հետազոտական աշխատանքի հետ կապված, կարդալու որակական հատկանիշներից առաջնային ենք համարում գիտակցորեն, հասկանալով, ենթատեքստն ըմբռնելով կարդալու կարողությունը: Քանի որ, տարրական դասարաններում տեղ են գտել մեծաթիվ դարձվածքներ և ինչպես գիտենք վերջիններիս ունեն փոխաբերական իմաստ, ապա երեխայի համար անչափ կարևոր է կռահել ենթատեքստը, հասկանալ բնագրի գաղափարը: Հասկանալով կարդալու կարողության մշակումը տարրական դպրոցի մայրենիի դասի գերխնդիրն է:

Մեր թեզի թեմայի հետ կապված, լավ կարդալու որակական հատկանիշները առանձնացնենք գիտակցորեն, հասկանալով, ենթատեքստն ըմբռնելով կարդալու կարողությունը: Կարդացած ստեղծագործության ենթատեքստի կռահումը կրտսեր դպրոցականի համար բավականին դժվար է: Այն հաղթահարելու ամենաարդյունավետ ուղին կանգառներով ընթերցանությունն է, տեքստի զգացմունքային, ներըմբռնողական կողմի ընկալումը: Կրտսեր դպրոցականի համար ենթատեքստի կռահման պահը որոշակի դժվարություն է ներկայացնում, սակայն չափազանց էական է կարդացած ստեղծագործության գաղափարն ըմբռնելու հարցում: Կարդացած ստեղծագործության ենթատեքստը մեկը չէ, ինչպես նաև գաղափարը: Եթե ստեղծագործության գաղափարները մի քանիսն են, ապա ուսուցչից են պահանջվում վերհանել յուրաքանչյուր գաղափարը, միտքը և ենթատեքստը՝ օգտագործելով աշակերտների ստեղծագործական մտածողությունը: Ենթատեքստի ու գաղափարի արտահայտումը խիստ կապված է պատկերավորման միջոցների առկայության հետ: Հանդիպող դարձվածքները, լեզվաարտահայտչամիջոցները՝ հատկապես երեխային քաջածանոթ, բնագիրը դարձնում է հոգեհարազատ, գաղափարն ու ենթատեքստն էլ՝ ընկալելի: Թեև, տարրական դասարանների մայրենիի դասագրքերում զետեղված բնագրերում լեզվաարտահայտչամիջոցները բավականին շատ են և նպաստում են, որ կրտսեր դպրոցականը ծանոթ լինի վերջիններիս և հետագայում անցնելիս ունենան որոշակի գիտելիք:

Տարրական դասարանների մայրենիի ծրագրում դարձվածաբանական հատուկ աշխատանք նույնպես նախատեսված չէ: Սակայն մայրենիի դասագրքերի բնագրերում աշակերտները բազմիցս հանդիպում են դարձվածքների, որոնց իմաստներն անպայման պետք է բացատրվեն :

Դարձվածքները, որպես կանոն, փոխաբերությունների բնույթ են կրում, այսինքն՝ հենվում են բառի բազմիմաստության, այլաբանության, նրա լրացուցիչ <<կերպարա- յին>> նշանակության վրա: Տարրական դասարաններում լեզվական նյութը չպետք է կազմի դասատվության նպատակ, այլ այն պետք է լինի միայն միջոց նպատակին հասնելու համար, այսինքն՝ միջոց գրական լեզուն ճշտությամբ հասկանալու, շարահյուսորեն ճիշտ, կապակցված, սահուն խոսք կառուցելու համար: Երեխաները քերականական կանոններն ու սահմանումներն անգիր սովորելու փոխարեն լեզվական օրինաչափություններն ինքնուրույնաբար կիրառում են իրենց խոսքում, արդյունքում զարգանում են նրանց մտածողությունը, դատողական ունակությունները, որը և քերականության առջև դրված նպատակն է<sup>11</sup>: Ուսուցիչը պետք է կազմակերպի բնագրի շուրջ աշխատանքն այնպես, որ աշակերտի մոտ ճիշտ պատկերացում ձևավորվի: Բնագրից դուրս բերելով այն պետք է գրել գրատախտակին, այնուհետև տալ բացատրությունը, օգտագործել նախադասության մեջ: Կարելի է նաև նկարագարողել, կամ էլ հորինել պատմություն այդ դարձվածքներով կամ դրանց հոմանիշներով:

## ԳԼՈՒԽ 2.

### ԴԱՐՁՎԱԾՔՆԵՐԻ ՈՒՍՈՒՄՆԱՍԻՐՄԱՆ ԳՈՐԾՆԹԱՑԻ ԱՌԱՆՁՆԱՀԱՏԿՈՒԹՅՈՒՆՆԵՐԸ ՏԱՐՐԱԿԱՆ ԴԱՍԱՐԱՆՆԵՐՈՒՄ

#### 2.1. ԴԱՐՁՎԱԾՔՆԵՐԻ ՏԵՂԸ ՏԱՐՐԱԿԱՆ ԴԱՍԱՐԱՆՆԵՐԻ ՄԱՅՐԵՆԻԻ ԴԱՍԱԳՐՔԵՐՈՒՄ

Դիտարկելու համար հայերենի լեզվաարտահայտչամիջոցների ուսումնասիրման սահմանները մայրենիի առարկայական ծրագրերում և դասագրքերում՝ մենք ուսումնասիրեցինք 2-4-րդ դասարանների մայրենիի առարկայական գործող ծրագիրն և 2-4-րդ դասարանների մայրենիի դասագրքերը՝ բացահայտելու համար, թե նրանցում ներկայացված ստեղծագործություններն ու մեթոդական կառույցի բաղադրիչները որքանով են համապատասխանում ծրագրի պահանջներին: Ներկայացնենք դասագրքերի նյութերն ըստ թեմատիկ խմբերի և նրանցում առկա լեզվաարտահայտչամիջոցները:

Դիտարկելով մայրենիի առարկայական ծրագրերը՝ մենք բացահայտեցինք, որ տարրական դասարանների մայրենիի դասագրքերում զետեղված բնագրերում բավականին շատ են պատկերավորման միջոցները: Հետազոտական աշխատանքի հիմնախնդրի տեսանկյունից ելնելով՝ մենք դուրս ենք բերել 1-ին- 4-րդ դասարանների

մայրենիի դասագրքերում զետեղված բնագրերում առկա լեզվաարտահայտչամիջոցները: Դրանք ներկայացրել ենք աղյուսակներում, ըստ դասարանների, այնուհետև ներկայացրել տրամագրերի տեսքով: Տեղ գտած պատկերավորման միջոցներից, ցավոք, միայն դարձվածքին է կատարվում անդրադարձ : Առանձնապես այս ուղղությամբ շատ չեն վարժությունները, ներկայացված չեն հստակ սահմանումներ: Ուսուցման և մատուցման ծանրությունն ընկնում է ուսուցչի ուսերին: Այստեղ արդեն յուրաքանչյուր մասնագետ յուրովի է ներկայացնում նյութը՝ կիրառելով իրեն կամ դասարանին հարմար մեթոդներ ու հնարներ: Առանձնապես բազմազան

չեն պաստառները, որոնք ավելի դյուրին են դարձնում ուսուցչի աշխատանքը և նպաստում աշակերտի կողմից նյութի ընկալմանը:

## **2.2. ԴԱՐՁՎԱԾՔՆԵՐԻ ՈՒՍՈՒՄՆԱՍԻՐՄԱՆ ԳՈՐԾԸՆԹԱՑԻ ՎԵՐԱԲԵՐՑԱԼ ՈՒՍՈՒՑԻՉՆԵՐԻ ԿԱՐԾԻՔՆԵՐԻ ԲԱՑԱՀԱՅՏՈՒՄ ԵՎ ՔՆՆԱՐԿՈՒՄ**

Մեր հետազոտական աշխատանքի հիմնախնդրի շուրջ մենք անցկացրեցինք հարցախույզ Արարատի մարզի մի շարք դպրոցներում (Նոր ուղի, Տափերական, Արարատ քաղաքի համար 1 և 3 դպրոցներում): Ուսուցիչների կարծիքով տարրական դպրոցում դարձվածքների ուսումնասիրումը նպաստում է աշակերտների բառապաշարի հարստացմանն ու երևակայության զարգացմանը:

Մեր կարծիքով՝ մայրենիի դասագրքերում զետեղված ստեղծագործություններում շատ են գործածված լեզվական այդ միավորները, սակայն դասագրքերում դրանց անդրադարձ գրեթե չկա, իսկ վերաբերող վարժությունները բավարար չեն:

Հիմնվելով մեր կատարած հետազոտության վրա, կատարենք առաջարկություններ.

- ա ) փոխել դասագրքերը,
- բ) ավելացնել այդ ուղղությամբ վարժությունները,
- գ ) ներկայացնել հետաքրքրաշարժ դիդակտիկ պարագաներ:

Հաշվի առնելով հարցմանը մասնակցած ուսուցիչների առաջարկությունները՝ մենք ստեղծեցինք մի քանի խաղեր, ՏՀՏ գործիքների կիրառմամբ վարժություններ և դրանք փորձեցինք կիրառել ուսումնասիրությունների ընթացքում: Համոզվեցինք, որ դասերի առավել հետաքրքիր և հազեցած անցկացման համար անհրաժեշտ է , որ ուսուցիչը կիրառի դիդակտիկ նյութեր, և վերջիններս լինեն զեղեցիկ պատկերազարդումներով, հետաքրքրություն առաջացնող: Այդպիսի խաղերի մշակումն էլ մեր հետազոտական աշխատանքի նորույթն է :



### 2.3 . ԴԱՐՁՎԱԾՔՆԵՐԻ ՈՒՍՈՒՄՆԱՍԻՐՈՒԹՅԱՆ ԳՈՐԾԸՆԹԱՑՈՒՄ ԿԻՐԱՌՎՈՂ ՎԱՐԺՈՒԹՅՈՒՆՆԵՐԻ ՀԱՄԱԿԱՐԳԸ

Հայերենի լեզվաարտահայտչամիջոցների ուսումնասուծիրության գործընթացն առավել մատչելի և հետաքրքրաշարժ դարձնելու համար մենք մշակեցինք և մայրենիի դասերի ժամանակ կիրառեցինք բազմաթիվ նկար- պատկերներ, վարժություններ, պատկերազարդ խորանարդներ, խաչբառեր, որոնք ոչ միայն նպաստեցին նյութի ըմբռնմանը, այլև դասի հետաքրքրության բարձրացմանը:Ներկայացնենք դրանցից մի քանիսը:

1. Առանձին քարտերի վրա մենք ունենք դարձվածքը նկարված, իսկ մյուսի վրա դարձվածքի իմաստ: Դասարանը բաժանում ենք խմբերի , յուրաքանչյուր խմբին տալիս 8- 10 գույգ ( կախված խմբում եղած աշակերտների թվից), պատրաստված նկար և դարձվածքի իմաստ պարունակող քարտ: Աշակերտների խնդիրն է ճիշտ և արագ նկարը համապատասխանեցնել իմաստին:

Քրից բռնած ման ածել - խաբել, իր կամքին ենթարկել:



Գլխին սառը ջուր լցնել-հիասթափեցնել,զգաստացնել:



Լեզուն բռնել- մի բան ասելու կամ խնդրելու համար համարձակություն ստանալ:



Քիթը կախել- տխրել, դեմքը խոժոռել:



Լեզուն քոր գալ- մի բան ասելու ցանկություն զգալ:



Մատների արանքով նայել- առանց պատշաճ ուշադրության, իմիջայլոց, չտեսնելու տալ:




Փշերի վրա լինել-խիստ անհանգիստ լինել:



Աչքի վրա տեղ ունենալ- հարգել ընդունել մեկին:




Լեզուն երկար -ըմբոստ , համարձակ խասել: Խոսելու չափն ու սահմանը չիմանալ:



Միրտը ճաքել – սաստիկ վախենալ, ահաբեկվել:



Ջրի գին ունենալ- շատ էժան լինել, կոպեկի արժեք չունենալ:



Լրացրու՝ դարձվածքների բաց թողնված բառերը:

Ուղղահայաց

Հորիզոնական

1. Ականջին -----անել:

3. -----անցքով անցնել:

2. Աչքի ----- պես պահել:

6. ----- պղպջակ:


4. Գլուխը -----:

7. Շուն ու -----դառնալ:

5. ----- երեսանի :

8. Խոսքը -----զգել:

9. Մի----- ծերանալ:



Հաջորդ հանձնարարության պահանջը հետևյալն է՝

Համապատասխանեցրո՛ւ դարձվածքը իմաստին: Ուսուցիչը քարտերը խառնած բաժանում է, իսկ աշակերտները համապատասխանեցնում են:

Ականջը տանել	Ձանձրացնել, շարունակ խոսել, շողակրատել, նվագելով հոգնեցնել, գլուխը տանել: Հորդորներով, խնդրանքներով ձանձրացնել:
Ականջին օղանել	Մշտապես հիշել, մտապահել իբրև խրատ, լավ իմանալ:
Ականջները չորս անել	Մեծ ուշադրությամբ լսել, ականջները սրել:
Ականջի հետևը գցել	Անտարբերության մատնել որևէ բան, ուշադրություն չդարձնել, մոռացության տալ:
Աչքը ծակ	Անկուշտ, ագահ, անհագ, որևէ բանի նկատմամբ բուռն ցանկություն ունեցող:

Աչքի լույսի պես պահել:	Մեծ հոգատարությամբ, սիրով ու խնամքով պահել ու ահպանել, սիրել ու փայփայել:
Աչքից ընկնել	Նախկին հարգանքը չունենալ, այլևս չսիրվել ու սարգվել, մեկի համակրանքն ու հովանավորությունը արցնել:
Ատամները սրել	Պատրաստ սպասել՝ մի բան ձեռք գցելու: Մեկի, մի անի դեմ թշնամական գործողություն պատրաստել:
Ատամները համրել	Մեկի թույլ կողմերը ճանաչել, նրանից չվախենալ, թաշվել:
Լեզուն փորը գցել	Երկյուղից, վախից պապանձվել, ձայն չհանել:

Լեզու գտնել	Համաձայնության գալ, իրար հասկանալ:
Գլխի ընկնել	Մի բան հասկանալ, կռահել, մտադրությունը գուշակել:
Գլուխ պահել	Ծուլություն անել, իրեն խնայել, խուսափել
Կրակն ընկնել	Փորձանքի, դժվար կացության մեջ հայտնվել: Ընկնել յնպիսի վիճակի մեջ, որ ինչ անելը չիմանալ:
Շուն ու կատու դառնալ	Հակառակորդներ դառնալ, զգվոտել, ապրելանհաշտ անքով, անվերջ վեճ ու կռվի մեջ լինել:

Պղտոր ջրում ըսալ	ձուկ	Իրարանցումից , խառնաշփոթությունից օգուտ քաղել նձնական շահի համար:
Ջրի գին ունենալ		Շատ էժան լինել: Մի քոռ կոպեկ էլ չարժենալ:
Սիրտը փորն ընկնել		Մաստիկ վախենալ, ահով բռնվել:
Սիրտը բաց լինել		Անկեղծ, պարզասիրտ,զվարթ, ուրախ, անքեն լինել:
Համը հանել		Տաղտկալի դարձնել, ձանձրացնել, զզվեցնել:

Դ  
ար  
ձվ  
ած  
քն

երի վերաբերյալ գիտելիքների ամրապնդում թեստային առաջադրանքի միջոցով:

1. Ո՞րը դարձվածք չէ:

- Օաչքի փուշ                       Օաչքից ընկնել  
 Օաչք մտնել                       Օաչքը ցավել

2. Ո՞ր նախադասության մեջ է <<կրակն ընկնել >> արտահայտությունը օգտագործվել որպես դարձվածք:

- ՕԱրսենը կրակն էր ընկել ընկերոջ պատճառով:  
 ՕԱղջնակի ձեռքի խաղալիքը կրակն էր ընկել:

3. Ո՞րն է <<Սիրտը շահել>> արտահայտության իմաստը:

- Օսիրել մեկին                       Վիճակախաղով շահել  
 Օ սիրաշահել                       սիրտ տալ

4. Լրացրո՛ւ բաց թողնված բառը:

Գլխին \_\_\_\_\_ կարդալ:

- Օ դասագիրք                       Օ ավետարան  
 Օ թերթ                       Օ բանաստեղծություն

5. Բաց թողնված տեղում գրիր համապատասխան դարձվածքը  
Արմենը \_\_\_\_\_, ում մասին է խոսքը:

Աչքի ընկավ  գլխի ընկավ

Օականջ դնել

Լեզվաարտահայտչամիջոցների ուսուցումը պատկերագարդ խորանարդներով :

Մեր թեզի նորույթներից է նաև պատկերագարդ խորանարդների պատրաստումը և կիրառումը: Այն անչափ գրավիչ է: Խորանարդի բոլոր 6 նիստերին փակցնում ենք գունավոր նկարներ, որոնք նախապես ընտրել ենք՝ համապատասխանեցնելով մեր առաջադրանքի հետ: Պատկերների մեջ ընդգրկել ենք մարմնի մասեր՝ գլուխ, ականջ, քիթ, աչք, իրեր՝ ջուր, գնապիտակ, գործողություն՝ քնել, քամել և այլն: Կատարում ենք հետևյալ հերթականությամբ՝

1. ուսուցիչը կարդում է դարձվածքի իմաստը.
2. աշակերտը պետք է պատկերները գտնի համապատասխան պատկերները ,
3. ճիշտ հերթականությամբ դասավորի
4. բարձրաձայն ասի դարձվածքը:

Օրինակ՝ ուսուցիչը կարդում է .


-Դժվարությամբ որևէ բան անել, մեծ չարչարանքով գործը գլուխ բերել, մեծ աշխատանք թափել, ծանր աշխատանքով ապրուստը ճարել:

Նպատակահարմար է առաջարկվող աշխատանքը իրականացնել խմբերով:


Աշակերտները քննարկելուց հետո կորոշեն , որ դա <<Քարից հաց քամել >> դարձվածքն է:




Գլխի ընկնել -մի բան հասկանալ, կռահել, մտադրությունը գուշակել:




Ատամները հաշվել-մեկի թույլ կողմերը ճանաչել, նրանից չվախենալ, չքաշվել:



Ատամները սրել- պատրաստ սպասել՝ մի բան ձեռք գցելու: Մեկի, մի բանի դեմ թշնամական գործողություն պատրաստել:



Աչքից ընկնել-նախկին հարգանքը կորցնել, անուշադրության մատնվել:



Ոսկի ձեռքեր ունենալ- շնորքով, հմուտ լինել:



Էշի ականջում քնել-շրջապատի իրադարձություններին անտեղյակ, կատարվող դեպքերին անիրազեկ լինել:



<<Լեզվաարտահայտչամիջոցների դիտարկումը կարդացած ստեղծագործության դիպաշարի ըմբռնման միջոց>> վերնագրով մեր հետազոտական աշխատանքի շրջանակներում իրականացրեցինք մայրենիի մեկ դաս: Ընտրել էինք 4-րդ դասարանը, որտեղ պետք է վարեինք մեր դասը: Դասի թեման Վիլյամ Սարոյանի <<Թագավորն ու խաբեբան>> պատմվածքն էր:



Մինչ նոր դասի ընթերցումը վերհիշեցինք թե ի՞նչ է դարձվածքը: Աշակերտներն ասացին, որ դրանք կայուն բառակապակցություններ են և վերարտադրվում են նույնությամբ: Թվարկեցին մի քանի դարձվածքներ: Բնագրի ընթերցումից առաջ հանձնարարեցինք դուրս բերել դարձվածքները: Աշակերտները կարդացին հերթով, փոքր պարբերություններով: Նշենք, որ մեր ընտրած բնագրում բավականին շատ էին դարձվածքները: Օրինակ՝ գլուխ հանել, գլխի ընկնել, քթից բռնած ման ածել, լույս աշխարհ գալ: Դարձվածքները գրեցին գրատախտակին, ապա յուրաքանչյուր աշակերտ իր կարդացած հատվածում հանդիպած դարձվածքը փոխարինեց համապատասխան իմաստն արտահայտող բառով: Կարդացին և համեմատեցին երկու նախադասություններն էլ: Երեխաները տեսան , դարձվածք պարունակող նախադասությունն ավելի պատկերավոր ու դիպուկ է դարձնում հեղինակի միտը , ասելիքը, ենթասեքստը, քան մյուսը ուրում փոխարինել էինք դարձվածքի իմաստին համապատասխանող բառով: Օրինակ՝ բնագրի հետևյալ նախադասության՝ «Մի անգամ նույնիսկ քաղաքի ամենախորամանկ մարդուն քթից բռնած ման ածեց» դարձվածքը՝ քթից բռնած ման ածել, գրեցինք համապատասխան իմաստով և ստացվեց հետևյալ.

- Մի անգամ նույնիսկ քաղաքի ամենախորամանկ մարդուն խաբեց:

Այս փոփոխություններից հետո , աշակերտներն իրեն բարձրաձայնեցին , որ դարձվածքով ավելի պատկերավոր է և հետաքրքիր:

Անդրադարձանք որոշ արտահայտությունների, որոնք կարող են ունենալ ուղիղ և փոխաբերական իմաստ: Օրինակ՝ կրակն ընկնել, ջուրն ընկնել բառակապակցությունները օգտագործեցինք նախադասություններում՝ մի դեպքում ուղիղ, մյուսում՝ փոխաբերական իմաստով: Մեր պատրաստած քարտերով կատարեցինք խմբային աշխատանք:

## ԵԶՐԱԿԱՑՈՒԹՅՈՒՆՆԵՐ

Տարրական դասարանների մայրենիի դասագրքերի ուսումնասիրումը մեր հետազոտական աշխատանքի՝ «ԴԱՐՁՎԱԾՔՆԵՐԻ ՈՒՍՈՒՄՆԱՍԻՐՈՒՄԸ ՏԱՐՐԱԿԱՆ ԴԱՍԱՐԱՆՆԵՐՈՒՄ» վերնագրով, թեմային վերաբերող գրականության ուսումնասիրումը և հետազոտության արդյունքները հնարավորություն են տալիս կատարելու հետևյալ եզրակացությունները.

1. Տարրական դասարաններում դարձվածքների և այլ պատկերավորման միջոցների ուսումնասիրումը նպատակաուղղված է երեխաների բառապաշարի զարգացմանը, կարդացած ստեղծագործության ենթատեքստի գիտակցմանը և դիպաշարի տրամաբանության ըմբռնմանը:

2. Նպաստում է երևակայության, վերացական մտածողության, ճանաչողական, տրամաբանական և վերլուծական կարողությունների ձևավորմանը: Ճանաչում են դարձվածքները , առած- ասացվածքները և այլ ստեղծագործություններ, թափանցում դրանց խորքը, գտնում տրամաբանությունն ու ենթատեքստը:

3. Ծանոթանալով ժողովրդական բանահյուսությանը՝ սովորողներն արժևորում են այն ամենը , որը ստեղծել է հայ ժողովուրդը և փորձում են կիրառել առօրյայում :

4. Պատկերավորման միջոցներն ուսումնասիրելիս անհրաժեշտ է դասագործընթացը կազմակերպել այնպես, որ զարգանան սովորողների համագործակցային և հաղորդակցական ունակությունները:

5. Տարրական դասարաններում խաղային մեթոդների և խմբային աշխատանքների միջոցով լեզվաարտահայտչամիջոցների ուսումնասիրումը՝ դասագործընթացը դարձնում է առավել գրավիչ, ձևավորվում են աշակերտների կոլեկտիվ աշխատելու, միմյանց լսելու , մտքեր փոխանակելու կարողությունները:

6. Լեզվաարտահայտչամիջոցների ուսումնասիրումը նպատակաուղղվում է երեխաների արժեհամակարգի ձևավորմանը, նրանց բարոյական կրթությանը, լավն ու վատը, չարն ու բարին տարբերակելու , գեղեցիկը , բարին , մարդկային տեսնելու և գնահատելու կարողությունների զարգացմանը:

## ԱՌԱՋԱՐԿՈՒԹՅՈՒՆՆԵՐ

Դասագրքերում ընդգրկել հետաքրքրաշարժ վարժություններ, որոնց կնպաստեն տարրական դասարանների աշակերտների լեզվաարտահայտչամիջոցների ուսումնասիրման գործընթացն ավելի հետաքրքիր և գրավիչ դարձնելու համար:

Դասագրքերին կից մեթոդական ուղեցույցներում տալ հանգամանալից ցուցումներ լեզվաարտահայտչամիջոցների ուսումնասիրման գործընթացն ավելի մատչելի և դարձնելու համար:

## Դասի պլան

Ամսաթիվ՝

Ուսուցչի ազգանուն, անուն- Ա.Հակոբյան

Առարկա- Մայրենի

Դասի թեման- Թեման՝ Հ. Մաթևոսյան << Ա՛յ քեզ բան. ինչ կա-չկա, ինչ երևում – չի երևում՝ հա՛յ-րե՛ - նի՛ք է>>

Դասի նպատակը	Կարևոր դրույթները Ի՞նչ գիտելիքներ և մտություններ են մտնում դասի պատակի մեջ:	Մեծ հարգանքներ Ի՞նչ է անհրաժեշտ սաի համար-դիդակտիկ արագաներ:	
	<ul style="list-style-type: none"> <li>վերարտադրել բնագիրը, սակնա ենթատեքստը, հերոսների նորությունները:</li> <li>Բնութագրել հերոսներին՝ ջրբերումներ կատարելով տեքստից:</li> <li>Զարգացնել բնագրից արձվածքները գտնելու, առանձնացնելու իմաստը հասկանալու կարողությունը :</li> </ul> <p><b>Վերջնարդյունք</b></p> <p>Գլխավոր մտքերի ընկալում, սեփական եսակետի արտահայտում, քահանգումների կատարում</p> <p>. լեզվական աշխատանքների հասկանացում</p>	<p>Հանուն հայրենիքի</p> <p>Արժանապատվություն,</p> <p>Հոր քթից ընկնել</p> <p>Կարոտ, կրակ ու պատիժ</p> <p>Որոտների մեջ, չոված աչքեր</p> <p>Լեզուն թառ անել, հոտաղ, սճկալ, բեզարել. հոր շունչն ռնել, խաշիլ</p>	<p>Ցուցապատառներ</p> <p>1 Հայրենիք</p> <p>2 Թևալոր խոսք</p> <p>3 ձևաթղթեր խմբային շխատանքների համար</p> <p>4 թերթիկներ նհատական շխատանքի համար</p> <p>5 Դարձվածքի տեսքով Պատկերներ</p>
Դասի նպատակները	<b>Գնահատում</b>		
	<b>Դասի սկիզբ</b>		
	Ուսուցչի գործողությունները	Աշակերտների լրժողությունները	Նյութերը/ Ուսուցչի դերը
	Անդրադարձ ստեղծագործությանը, շղինակին, գաղափարին: Հարցեր դիպաշարի վերաբերյալ, ամառոտ ներկայացնեն աշակերտները:	Ներկայացնեն Հրայա աթևոսյանի կյանքը, դեպքերի լրացքը Ստեղծագործության սղափարը և իրենց տեսակետը Ի՞նչ է հայրենիքը>> Ակրոստիքոսների ընթերցում	Հարցադրող, դղորդող
<b>Նոր նյութի ներկայացում</b>			
Ուսուցչի գործողությունները	Աշակերտների լրժողությունները	Նյութերը/ Ուսուցչի դերը	

<p>&lt;&lt;Երիցուկ &gt;&gt; մեթոդով խմբերը պատասխանեն հարցերին, մեջբերելով ազգրի տվյալ հատվածը:</p>	<p>Մոտենալ գրատախտակին պոկել թերթիկը և ատասխանել, կամ եթե նհրաժեշտ է նստել իր տեղը կարդալ պատասխանը րքից:</p>	<p>Երիցուկ մեթոդի ահանջի արկայացումը հարցեր</p>
<p><b>Ուղղորդված աշխատանք</b></p>		
<p>Ուսուցչի գործողությունները</p>	<p>Աշակերտների րծողությունները</p>	<p>Նյութերը/ Ուսուցչի դերը</p>
<p>Հանձնարարություն. դարձվածքներ Պարունակող նախադասությունների ուրս բերում և փոխարինում դրա մաստով;</p>	<p>Գրում են գրատախտակին այն նախադասությունները, որոնք արձվածք են պարունակում, լնուհետև փոխարինում են րտահայտած իմաստով:</p>	<p>Հանձնարարող, ասնող, ստուգող</p>
<p><b>Ինքնուրույն աշխատանք</b></p>		
<p>Ուսուցչի գործողությունները</p>	<p>Աշակերտների րծողությունները</p>	<p>Նյութերը/ Ուսուցչի դերը</p>
<p>Բաժանել թերթիկներ, որտեղ գրված ւ բառերը</p>	<p>Այդ բառերով կազմել առակապակցություններ կամ նախադասություններ, որտեղ առերը հանդես կզան ուղիղ և ռիաբերական իմաստով:</p>	<p>Թերթիկներ,</p>
<p><b>Դասի գեղարվեստակն մաս Ներկայանում են աշակերտները</b></p>		
	<p>1 Բանաստեղծություններ. Պ. Ս. &lt;&lt;Հայաստան&gt;&gt; Հ. Ս. &lt;&lt;Հայաստան ասելիս&gt;&gt; 2 Դրվագ հոր և որդու զրույցի եսարանից 3 Մարտիկի երգը</p>	
<p><b>Դասի ավարտ</b></p>		

	<p>Ինչպես են աշակերտները ամփոփում եւ ներկայացնում իրենց յուրացրած ութի կարեւորությունը: Ինչպե՞ս է երեւում, որ աշակերտները յուրացրել են սմական դրույթները եւ հասել դասի նպատակին: Ինչո՞ւ/ինչպես են աշակերտները ընդգրկված լինելու:</p>	
	<p>Ինքնակայուն թերթիքների վրա գրել այն միտքը, կերպարը, ըվագը, որը նրանք կհիշեն 10 տարի անց; Փակցնում են ամպրուկի պատկերի վրա:</p>	
	<p><i>Տնային աշխատանք, եթե նախատեսվում է:</i></p> <p>-</p>	
	<p>Վերլուծություն/անդրադարձ(լրացվում է դասից հետո):</p>	

## ՕԳՏԱԳՈՐԾՎԱԾ ԳՐԱԿԱՆՈՒԹՅՈՒՆ

1. Ավետիսյան Յու., Հայոց լեզու և խոսքի մշակույթ, Եր., ԵՊՀ, 2015:  
2. Բալայան Ա., 200 խաղ, Եր., Ջանգակ, 2017, էջ 36:
3. Բեդիրյան Պ., Ժամանակակից հայերենի դարձվածաբանություն, Եր., Լույս, 1973:
4. Գաբրիելյան Վ., Գրավոր խոսք, Եր., ԵՊՀ հրատ., 2007, 296 էջ:
5. Գյուլամիրյան Ջ., Մայրենիի ուսուցման մեթոդիկա, Երևան, Ջանգակ, 2018:
6. Եզեկյան Լ., «Հայոց լեզվի ոճագիտություն», Եր., 2014:
7. Թորոսյան Կ., Ինչպես պլանավորել մայրենիի դասը 2, Եր., 2018:
8. Թորոսյան Կ. և այլք, Մայրենի 2-4: Ուսուցչի ձեռնարկ, Եր., Մակմիլան-Արմենիա, 2007:
9. Թորոսյան Կ. և այլք, Մայրենի 2-4 : Ուսուցչի ձեռնարկ Եր., Ջանգակ, 2011:
10. Թորոսյան Կ. և ուրիշներ, «Մայրենի 4» , Հանրակրթական դպրոցի 4-րդ դաս. դասագիրք, Եր., ՄԱՆՄԱԸ, 2012:
11. Թորոսյան Կ., Ինչպես պլանավորել մայրենիի դասը 3, Եր., 2018:
12. Թորոսյան Կ., Ինչպես պլանավորել մայրենիի դասը 4, Եր., 2019:
13. Հարությունյան Հ., Հայոց լեզուն հազարազանձ, Եր., Արևիկ, 1989:
14. Հովհաննիսյան Գ, Գալստյան Ն. և ուրիշներ , Գիտահետազոտական աշխատանք կատարելու հիմնական սկզբունքները, Եր., ԵՊՀ, 2014:
15. Մելքոնյան Ս.Ա., Ակնարկներ հայոց լեզվի ոճաբանության, Եր., Լույս, 1984:
16. Մկրտչյան Գ., Ուղղագրական ժամանց, Եր., 2007:
17. Ջահուկյան Գ., Խլղաթյան Ֆ., Հայոց լեզվի ոճաբանություն, Եր., Լույս, 1988:
18. Սահակյան Վ.Ա., Դպրոցական բառարան, Եր., 2019:
19. Սարգսյան Վ.Ա. և այլք , «Մայրենի 3», Եր., Մակմիլան -Արմենիա, 2008:
20. Սարգսյան Վ.Ա. , «Մայրենի 1», Եր., ՄԱՆՄԱԸ 2013:
21. Սարգսյան Վ.Ա. և այլք, «Մայրենի 2», Եր., ՄԱՆՄԱԸ, 2016:
22. Տեր-Գրիգորյան Ա., Մայրենի լեզուն երկրորդ դասարանում, Մեթոդական ուղեցույց, Եր., Լույս, 1990: